

BOSNA I HERCEGOVINA  
**FEDERACIJA BOSNE I HERCEGOVINE**  
SREDNJOBOSANSKI KANTON/KANTON SREDIŠNJA BOSNA  
**KANTONALNO TUŽILAŠTVO/KANTONALNO TUŽITELJSTVO**  
T R A V N I K

**Broj: T06 0 KT 0032890 23**

Travnik, 05.01.2024.godine

**OPĆINSKI SUD U KISELJAKU**

-Sudiji za prethodno saslušanje-

K I S E L J A K

Na osnovu odredbe članka 45. stav 2. tačka h., član 241. stav 1. Zakona o krivičnom postupku Federacije Bosne i Hercegovine, p o d i ž e m

**O P T U Ź N I C U**

**Protiv: OMEROVIĆ SENAD**, rođen 1967. godine.

**Što je:**

Dana 08.04.2023. godine na privremenom gradilištu JU „Drin“ Fojnica u Fojnici, obavljajući poslove i radne zadatke kao odgovorna osoba pri izvođenju gradnje ili građevinskih radova postupio protivno propisima ili općepriznatim tehničkim pravilima i time izazvao opasnost za život, na način da je kao poslovođa bez formalnog postavljenja u firmi GP „Inžinjeri“ iz Jelaha, na privremenom gradilištu JU „Drin“ Fojnica u Fojnici, postupio suprotno odredbama člana 52. stav 1. tačke a), c) i e) Zakona o zaštiti na radu (Službene novine Federacije Bosne i Hercegovine broj: 79/20), člana 121. stav 2. Pravilnika o zaštiti na radu u građevinarstvu (Sl. List SFRJ broj: 42/68), tačke 3., 8., tačke 4., 2. i tačke 6. Elaborata o uređenju radilišta „Drin“ Fojnica dokument broj: 209-05-23 od 03.02.2023. godine, te suprotno Rješenju inspektorata Ministarstva pravde SBK Travnik broj: UP-1-07-30-00091/23-AA-3401-P-1072-30-96/23 od 11.04.2023.godine, kojim se zabranjuje rad na mašini, uređaju-specijalna dizalica „faun“ FA 031 do otklanjanja nedostataka, pa nakon započinjanja građevinskih radova oko 07,30 sati nije obustavio radove iako nisu bili ispunjeni sigurnosni uvjeti za njihovo izvođenje, svjestan da na taj način može nastupiti opasnost za život radnika, ali olako držeći da toga neće doći, da bi oko 08,00 sati prilikom monitranja betonske grede, nije spriječio da rukovaoc auto-dizalice P. H. podiže radnike monter u visinu zajedno sa AB- gredom, na kojoj su sjedili i nisu bili osigurani od pada sa visine, te dopustio monterima Albin Beširović i Mirsad Osmanović penjanje na AB gredu bez obezbjeđenja pomoćnih sredstava, kako bi montažne radove izvodili u skladu sa pravilima na siguran način, pa je monter oštećen A. B. pao sa visine od oko 4,30 metara, prilikom čega je zadobio teške tjelesne ozljede u vidu: razderno-nagnječna rana u području čela, nagnječenje poglavine, iščašenje (luxatio) desnog ramenog zgloba, prijelom velike kvrge (tuberculum) desne nadlaktične kosti, napuklina (fissura) poprečnog nastavka 3 slabinskog kralješka što kao zbir svih ozljeda spada u kategoriju teška tjelesna ozljeda.

Dakle, kao odgovorna osoba pri izvođenju gradnje ili građevinskih radova postupio protivno propisima ili općepriznatim tehničkim pravilima i time izazvao opasnost za život ili tijelo ljudi.

**Čime je počinio** krivično djelo Npropisno i nepravilno izvođenje građevinskih radova iz člana 326. stav 2. u vezi sa stavom 1. KZ FBiH.

KANTONALNI TUŽILAC